

路 帝
· 王
世
史 紀



帝
王
世
紀

皇甫謐撰

中
華
書
局

帝王世紀

此據指海本排印
初編各叢書僅有
此本

帝王世紀序

皇甫謐帝王世紀。南宋人猶及見之。至宋末始亡。元明人所稱述。皆卽諸書中展轉援引。非尙見全書也。顧君尙之。觀光管以諸書所引。依時代先後。整齊排比。凡三易稿。書成。以眎予。予案史稱皇甫謐從外弟梁柳得古文尙書。故作帝王世紀。往往載孔傳五十八篇之書。今考謐所引用。不過五子之歌。仲虺之誥。湯誥。伊訓。四篇而已。然引伊訓。夏師敗績。乃伐三臞二句。不見今書。而述論語子小子履七句。以爲桑林禱雨之辭。則顯與湯誥相違。竊謂謐所見之湯誥。伊訓。亦未必盡與今同也。鉞于戚服苗事。在舜卽位初年。而於禹攝後則云有苗氏叛。南征。崩於鳴條。此其未見大禹謨之明證也。論文王受命改元。引周書文傳。解以九年猶召太子。明其七年未崩。而不引武成九年大統未集。此其未見武成之明證也。他若孔序謂伏羲氏造書契。而世紀云黃帝史倉頡始作文字。孔傳謂堯年十六。以唐侯升爲天子。而世紀云年二十而登帝位。孔傳謂七十載求禪。試舜三載。而世紀云堯在位五十年。登舜二十年。始老。使舜攝政。孔傳以放勳。重華。文命。爲史臣贊美之辭。而世紀以爲堯舜禹之名。孔傳以太甲繼湯。而世紀尙有外丙仲壬二君。孔傳以三監爲管。蔡。商。而世紀以爲管叔。蔡叔。霍叔。使皇甫謐果得孔書。不應抵牾若此。妄意其時孔傳尙在權輿。卽二十五篇之書。亦未必如今之完備。故自夏商四篇而外。絕無隻字及之。觀鄭氏尙書

CUY 147/100

注引伊訓征是三牒一語。與世紀略同。而周官太師、太傅、太保茲惟三公之文。乃先見於鄭志。可見魏晉之際。真古文未盡亡。好事者搜集遺文。重爲補綴。蓋不出於一人。亦不成於一時。宋以後儒者。類能攻駁古文。或斷然以爲出皇甫謐手。是未取帝王世紀之文與孔書互相勘也。西京而下。史籍大備。而秦以前事。惟有太史公書。又疏略已甚。皇甫謐博採經傳雜書以補史遷之缺。所引世本諸書。今皆亡佚。斷壁殘圭。彌堪寶重。其論地理。能於舊說外自出新意。如引孟子湯居亳。與葛爲鄰。證湯都在穀熟。不在偃師。引立政三亳阪尹。證穀熟。偃師。景亳皆有亳名。其說實較舊說爲長。近人好言漢學。以其異於鄭氏而擯斥之。乃門戶之見。非是非之公也。去古既遠。梁武通史。元暉科錄之類。無一存者。而世紀一書。諸家徵引獨多。是編采輯既詳。編次尤審。垂諸藝林。未始非窮經之一助。予故爲申明其指而梓之。庚子五月望日錢熙祚序。

帝王世紀

晉 皇甫謐撰

天地未分謂之太易。御覽一

元氣始萌謂之太初。同上

氣形之初謂之太始。同上

形變有質謂之太素。太素之前幽情寂寞不可爲象。惟虛惟無。蓋道之根。道根既建。此句根字依張衡靈影補猶無生有。猶卽太素始萌字。依靈憲刪萌而未兆。謂之龐洪。蓋道之幹。道幹既育。此句道幹二字依靈憲補萬物成體。於是

剛柔始分。清濁始位。天成於外而體陽。故圓以動。此下當有此文蓋道之實。同上

質形已具。謂之太極。同上

天子至尊之定名也。應神受命爲天所子。故謂之天子。故孔子曰：天子之德。感天地。洞八方。是以功合神者稱皇。藝文功作化德合地者稱帝。義合人者稱王。二句依初學記。初學記九藝文十一。御覽七十六。

天地開闢。有天皇氏、地皇氏、人皇氏。或冬穴夏巢。或食鳥獸之肉。陳本書鈔百五十八伏羲、神農、黃帝爲三皇。少昊、高陽。史記正義作顓頊高辛、唐虞爲五帝。史記五帝紀索隱正義又五行大義論五帝第廿一。

太昊帝庖犧氏、風姓也。母曰華胥。燧人之世，有巨人跡，出於雷澤。月令疏云：有大人之華胥以足履之，有

娠，生伏羲。月令疏作庖犧，與上文合。長子成紀。長字依易疏補。蛇身人首，有聖德。御覽七十八，此下有都陳作瑟三。燧人氏

沒，庖犧氏代之。繼天而王，首德于木，為百王先。帝出于震，未有所因，故位在東方。主春象日之明。書鈔七

而象日，即是稱太昊都陳作瑟三十六弦，長八尺一寸。此句依初學記補。制嫁娶之禮，未有文章。此句依書鈔十七補。取犧

牲以充庖廚。月令疏充作洪，以食天下。此句依後漢書班固傳注補。故號曰庖犧氏，是為犧皇。後世音謬，故謂之伏羲，或謂之

慮犧。家訓書證，一號雄皇氏。易疏作皇雄氏，月令疏作黃熊氏。在位一百二十年。御覽作一百一十年，已上並以易繫辭

又三百六崩葬南郡，或曰冢在山陽高平之西也。補史記三皇紀注。

太昊庖犧氏，風姓，有景龍之瑞，故以龍紀官。初學記三十，御覽九百二十九，事類賦注二十八。

伏羲氏仰觀象於天，俯觀法於地，觀鳥獸之文，與地之宜，近取諸身，遠取諸物，於是造書契以代結繩之

政，書八卦以通神明之德，以類萬物之情，所以六氣、六府、五藏、五行、陰陽、四時、水火升降，得以有象，百病

之理，得以有類，乃嘗味百藥，而制九針，以拯天枉焉。御覽七百二十一。

庖犧氏沒，女媧氏代立。已上依易繫辭傳疏補，易疏又有為女皇三字，與下文覆故節去。亦風姓也，承庖犧制度，始作笙簧，無所革造，故

易不載，不序於行。自始作笙簧至此，依明堂位疏補，藝文十一引作笙簧三字。亦蛇身人首，一號女希，是為女皇，其末有諸侯共工氏，

任智刑以強伯而不王，以水承木，非行次，故易不載。初學記九，御覽七十八。

女媧氏沒。大庭氏王有天下。次有柏皇氏。中央氏。栗陸氏。驪連氏。赫胥氏。尊盧氏。混沌氏。皞英氏。初學記脫此一
世。有巢氏。朱襄氏。葛天氏。陰康氏。無懷氏。凡十五世。皆襲庖犧氏之號。易繫辭傳疏禮記書名疏初學記九。

易稱庖犧氏沒。神農氏作。是爲炎帝。史記五帝紀集解。

炎帝神農氏。姜姓也。母曰任姒。易疏作任已。書鈔二十三引佳已。感神龍而生神農。佳卽任之誤。有蟪氏之女。名女登。爲少典正妃。遊於

華山之陽。有神龍首感。女登於常羊。易疏作尙羊。生炎帝。人身牛首。長於姜水。因以氏焉。此句依御覽七十補。有聖德。繼

無懷氏後。以火承木。位在南方。主夏。故謂之炎帝。都於陳。作五絃之琴。始教天下種穀。故人號曰神農氏。

人字曰字。並依禮記書名疏補。又御覽此下云凡八世。帝承帝臨。帝明。帝直。帝來。帝哀。帝榆罔。依易疏。移置後。又曰本起烈山。或稱烈山氏。此句依易疏。又祭法

烈山。或一號魁隗氏。是爲農皇。或曰炎帝。時諸侯夙沙氏叛。不用命。箕文諫而殺之。炎帝退而修德。夙沙

時稱之。之民。自攻其君而歸炎帝。炎帝自陳營都于魯曲阜。此句依史記周本紀正義。又五帝紀正義云。以火德

氏。又曰列山氏。按此文與諸書所引前後互異。今不從。重八卦之數。究八八之體。爲六十四卦。在位一百二十年而崩。葬長沙。納奔

水氏女。曰聽。生帝臨。魁。次帝承。御覽帝承。在帝臨前。次帝明。次帝直。次帝釐。御覽作來。來

世。合五百三十年。易繫辭傳疏。史記五帝紀正義。初學記九。藝文十一。御覽七十八。參定。

炎帝神農氏。長於江水。此江字。此江始教天下耕種五穀而食之。以省殺生。嘗味草木。宣藥療疾。救天傷人命。百

姓日用而不知。著本草四卷。御覽七百二十一。

蚩尤氏強。與榆罔爭王於涿鹿之阿。御覽五十六

黃帝有熊氏。少典之子。姬姓也。母曰附寶。其先卽炎帝母家。有蟠氏之女。世與少典氏婚。故國語兼稱焉。

及神農氏之末。少典氏又取附寶。見大電光繞北斗。樞星照郊野。感附寶。孕二十五月。易繫辭傳疏。書序

生黃帝於壽邱。自神農氏至此。又見初學記一。御覽七。長於姬水。因以爲姓。此句依史記五。日角二字。依書疏補。龍顏。有聖德。受

國于有熊。居軒轅之邱。故因以爲名。又以爲號。此四句。又見史記五帝紀集解。治五氣。設五量。及神農氏衰。已上並以藝

七十元。蚩尤氏叛。不用帝命。黃帝於是修德撫民。御覽撫始垂衣裳。以班上下。剡木爲舟。剡木爲楫。舟楫

之利。以濟不通。服牛乘馬。以引重致遠。重門擊柝。以待暴客。斷木爲杵。掘地爲臼。杵臼之用。以利萬人。弦

木爲弧。剡木爲矢。弧矢之利。以威天下。易繫辭傳疏云。帝王世紀載此。諸侯咸叛神農而歸之。藝文御覽

黃帝於是乃擾馴猛獸。與神農氏戰於阪泉之野。三戰而克之。御覽七十九引此二句。前後兩見。蓋從類

研。又徵諸侯。使力牧、神皇直討蚩尤氏。擒之于涿鹿之野。易繫辭傳疏引作戰。使應龍殺之于凶黎之邱。

史記五帝紀索隱。邱作谷。又自黃帝於是乃擾馴猛獸至此。並依藝文六十一。御覽七十九補正。或曰。黃帝斬蚩尤于中冀。因名其地曰絕轡之野。二句依

隱補。又見藝文六。御覽七十五。斬並作殺。諸侯有不服者。齊鈔十三。從而征之。凡五十二戰。而天下大服。御覽七十九作俯仰

天地。置衆官。故以風后配上台。天老配中台。五聖配下台。謂之三公。其餘知天規。紀地典。力牧。常先。大鴻。

神皇直。神下原衍農。字依前文刪。封鉅。大鎮。大山稽。鬼臾區。封胡。孔甲等。或以爲師。或以爲將。自風后至此。並依後漢

九補 分掌四方。各如已視。故號曰黃帝四目。又使岐伯嘗味草木。初學記二十御覽七十九並作百草。典醫療疾。學記御覽

補 今經方本草之書咸出焉。御覽七百二十一引岐伯黃帝臣也。帝使岐伯嘗味草。其史倉頡又取象鳥

跡。始作文字。史官之作。蓋自此始。記其言行策而藏之名曰書契。自倉頡至此並依書鈔五十五。御覽七

書契始作。即約此文。然後自黃帝以上。穴居而野處。死則厚衣以薪。葬之中野。結繩以治。及至黃帝為築宮室。

上棟下宇。以待風雨。而易以棺槨。制以書契。百官以序。萬民以察。神而化之。使民不倦。後作雲門咸池之

樂。周禮所謂大咸者也。於是人事畢具。得寶鼎。與封禪。有景雲之瑞。故以雲紀官。二句又見御覽八百七十二。為雲師

以土德王。自得寶鼎至此黃帝在位百年而崩。年百一十歲矣。史記五帝紀集解。或傳以為仙。或言壽三

百年。初學記故宰我疑以問孔子。孔子曰。民賴其利。百年而崩。民畏其神。百年而亡。民用其教。百年而移。

初學記引三民字。並作人避唐諱。故曰三百年。見神農氏哀至此。並黃帝亦號帝鴻氏。或曰歸藏氏。或曰帝軒。次律。定姓。

紀鐘。甄聲。四書依書鈔十七補。有四妃。生二十五子。亦號帝鴻氏至此。並見御覽七十九。元妃西陵氏女。曰嫫祖。生

昌意。次妃方雷氏女。曰女節。生青陽。次妃彤魚氏女。生夷鼓。一名蒼林。次妃嫫母。班在三人之下。自元妃

已下。並見史記。黃帝時。螭大如虹。百二十時。作得無大字。

黃帝伐九黎。書鈔十三。

黃帝於東海流波山得奇獸。狀如牛。蒼身無角。能走。出入水中。則風雨。光如日月。其音如雷。名曰夔。黃帝

殺之。以其皮爲鼓。聲聞五百里。初學記九御覽五百八十二又八

黃帝夢大風吹天下之塵垢皆去。又夢人執千鈞之弩。驅羊數萬羣。帝寤而歎曰。風爲號令執政者也。垢去土后在也。天下豈有姓風名后者哉。夫千鈞之弩。異力能遠者也。驅羊數萬羣。是能牧民爲善者也。天下豈有姓力名牧者哉。於是依二夢之占而求之。得風后於海隅。登以爲相。得力牧於大澤。進以爲將。黃

帝因著占夢經十一卷。史記五帝紀正義御覽三十七又三百九十七參定。

黃帝服齋于宮中。坐于元扈洛上。乃有大鳥雞頭。鸛喙龜頸。龍形麟翼。魚尾。其狀如鶴。體備五色。三文成字。首文曰順德。背文曰信義。膺文曰仁智。不食生蟲。不履生草。或止帝之東園。或巢阿閣。其飲食也。必自

歌舞。音如簫笙。初學記三十御覽九百十五。

國安其主好。文則鳳皇翔。御覽九百十五。事類賦注十八。

黃帝五十年秋七月庚申。天大霧三日三夜。御覽八百七十二誤作三禮依占經百一改。霧除。占經補。帝遊洛水之上。見大魚負圖書。殺五牲以醮之。六帖七引五。性作三牲。誤。天乃甚雨七日七夜。魚流于海。始得圖書。事類賦注三引。今河圖帝

視萌之篇是也。事類賦注云今之河圖即其書也。世傳大霧三日。必有甚雨。自此始也。初學記六藝文二又九十九御覽十又十五又八百七十二參定。

凡重霧三日。必大雨。雨未降。其霧不可冒行也。初學記二。御覽十五。

黃帝損庖羲之瑟。爲二十五弦。長七尺二寸。書鈔百九。

黃帝臣容成造歷元和鍾纂三鍾

黃帝使伶倫於大夏之西書鈔百六引黃帝使伶倫氏于夏為渡漳之歌也疑卽崑崙之陰取竹解谷其

竅厚均者斷兩節間吹之以為黃鐘之管以象鳳鳴雌雄各六以定律呂以分星次五行大義論律呂第

聽鳳以定律卽約此文

黃帝有熊氏命雷公岐伯論經脈傍通問難八十一為難經教制九針著內外術經十八卷御覽七百二十一

黃帝采首山銅鑄鼎荆山下有龍垂胡髻而下迎黃帝羣臣欲從持龍髻髻拔遂墮御覽九百二十九

葬于上郡陽周之橋山御覽七十九子青陽代立是為少皞易繫辭

少昊帝名摯字青陽姬姓也母曰女節黃帝時有大星如虹易繫辭傳疏虹作斗下流華渚女節夢接意感而生少

昊是為元囂降居江水有聖德邑于窮桑以登帝位都曲阜故或謂之窮桑帝以金承土卽圖讖所謂白

帝朱宣者也故稱少昊號曰金天氏曰字依月令疏補在位百年而崩易疏作八十四年初學記九

少昊時有鳳鳥之瑞以鳥紀官於是修其方利器用政度量戶無淫民天下大治作樂曰九淵也書鈔百五又十

七引末句無也字帝少昊崩其神降于長流之山於祀主秋家訓書證篇

帝顓頊高陽氏黃帝之孫昌意之子姬姓也母曰景僕易繫辭傳蜀山氏之女為昌意正妃謂之女樞金

天氏之末。瑤光之星。貫月如虹。咸女樞於幽房之宮。此二句依易繫辭傳生顓頊於若水。易疏作弱水首戴干

戈。有聖德。父昌意。雖黃帝之嫡。以劣降居。若水為諸侯。及顓頊生。十年而佐少昊。十二年而冠。二十年而

登帝位。此句年字依月令疏補平九黎之亂。以水承金。位在北方主冬。此三句依初學記九補以水事紀官。命南正重司天。以

屬神。北正黎司地。以屬民。治要北作火於是民神不雜。萬物有序。始都窮桑。後徙商邱。命飛龍。効八風之音。作

樂五英。以祭上帝。納勝墳氏女。嫁生老童。世有才子八人。號八凱。顓頊在位七十八年。年九十八歲。此句依史

記五帝紀集解據左氏。此三字依史記五帝紀索隱補歲在鶉火而崩。葬東郡頓邱廣陽里。已上並以藝文十一少皞之孫。驕極

之子代立。是為帝嚳。易繫辭傳疏

帝嚳高辛氏。姬姓也。其母不見。初學記九作不覺。史記五帝紀正義引此句作嚳母無聞焉生而神異。自言其名曰叡。辨齒有聖德。史

五帝紀正義引能順三辰。此句依五行大義論年十五而佐顓頊三十而登帝位都亳以木承水此句依作韶融有德

九補以人事紀官。故以勾芒為木正。祝融為火正。蓐收為金正。元冥為水正。后土為土正。是為五行之官。此句依字

依書鈔四十九補分職而治諸侯。於是化被天下。遂作樂六莖。以康帝位。世有才子八人。號曰八元。亦納四妃。卜

其子皆有天下。元妃有郤氏女曰姜嫄。生后稷。次妃有娥氏女曰簡狄。此句妃字依史記五帝紀正義補下二句同生商。次妃

陳豐氏女曰慶都。生放助。次妃姬訾氏女曰常儀。生帝嚳。帝嚳在位七十五年。年一百五歲而崩。葬東郡

頓邱城南廣陽里。城南二字依水經淇水注補已上並以藝文十一御覽八十參定子帝摯立。在位九年。摯立不肖而崩。弟放助代立。是

爲帝堯。易繫辭傳疏

帝嚳擊磬。鳳皇舒翼而舞。六帖九十四

帝嚳之母於四人之中。班最在下。而嚳年於兄弟最長。故得登帝位。封異母弟放。助爲唐侯。嚳在位九年。

政微弱。而唐侯德盛。諸侯歸之。嚳服其義。乃率其羣臣造唐。而致禪。因委至心願爲臣。唐侯於是知有天命。乃受帝禪。而封嚳於高辛氏。事不經見。漢故議郎東海衛宏所傳云爾。史記五帝紀正

帝堯陶唐氏。祁姓也。母曰慶都。生而神異。常有黃雲覆其上。此三句又見藝文一御覽八百七十二爲帝嚳妃。出以觀河。遇

赤龍。醺然。陰風而感慶都。此三句依易繫辭傳疏補。又書鈔百孕十四月而生堯於丹陵。名曰放。助。鳥庭

荷勝。眉有八采。豐下銳上。此三句依初或從母姓伊氏。此句依堯初生時。其母在三阿之南。寄於伊長孺

之家。故從母所居爲姓也。此四句別見史記五帝紀。索隱按文義當在此。年十五而佐帝嚳。受封于唐。爲諸侯。身長十尺。常夢攀

天而上之。故年二十而登帝位。以火承木。都平陽。置敢諫之鼓。治要敢作欲。又御覽此下有天下大命義

和四子。羲仲。羲叔。和仲。和叔。分掌四時方嶽之職。故名曰四嶽也。諸侯有苗氏。處南蠻而不服。堯征而克

之于丹水之浦。乃以尹壽許。由爲師。命伯夔。放山川谿谷之音。書鈔十七引帝堯命實効山谷之音。作樂大章。天下大和。百

姓無事。有八十老人。藝文治要八並作五。樂府擊壤于道。觀者歎曰。大哉帝之德也。老人曰。吾日出而作。

日入而息。鑿井而飲。耕田而食。帝何力於我哉。治要作帝力。何有於我哉。於是景星耀於天。甘露降於地。朱草生於郊。

鳳凰止於庭嘉禾華於畝醴泉湧於山有僬僥氏來貢沒羽廚中自生肉肺其薄如嬰形搖鼓則自生風

使食物寒而不臭名曰嬰肺此五句又見初學記又有草夾階而生隨月生死每月朔日生一莢至月半則生

十五莢至十六日後日落一莢至月晦而盡若月小則餘一莢厭而不落自每月朔日至此依初學記王

者以是占日月之數初學記藝文並作唯盛德之君應和氣而生以為瑞初學記藝文四御覽四補王

刪補義故堯有之名曰冀莢一名歷莢一名瑞草堯率諸侯羣臣沈璧於河河上原衍洛字依文選注引受圖書

今尙書中候握河紀之篇是也堯與羣臣沈璧于河乃為握河紀今尙書候是也與此文小異始封稷契

咎繇褒進伯禹納舜於大麓後年二月又率羣臣刻璧為書東沈于洛言天命當傳舜之意今中候運衡

之篇是也始堯在位五十年登舜二十年而老使舜攝政並依初學記九補攝政二十八年堯與方回遊

陽城而崩尙書所謂二十有八載放助乃殂落是也御覽此下有百姓如喪考妣三載四凡堯卽位九十

八年通舜攝二十八年也此句依史記五凡年百一十八歲乃殂百姓如喪考妣三載四海遏密八音葬

于濟陰之成陽西北四十里帝紀正義補五是為穀林史記五帝紀集解引穀墨子以為堯堂高三尺土

階三等茅茨不翦採椽不斲夏服葛衣冬服鹿裘此四句依北教八狄道死葬蚩山之陰山海經曰堯葬

狄山之陽一名崇山二說各殊以為成陽近是堯冢也自北教八狄至此並堯取散宜氏女曰女皇藝文

宮又御覽百三生丹朱又有庶子九人皆不肖故以天下命舜曰咨爾舜天之歷數在爾躬允執其中四

十五皇作璧

海困窮。天祿永終。及堯三年喪畢。舜踐天子位。藝文十一。御覽八十。參定。

堯時日月如合璧。書鈔百五十。

堯流其工於幽洲。以竄北狄。遷三苗於三危。以竄西戎。放驩兜於崇山。以竄南蠻。殛鯀於羽山。以竄東夷。

五行大義論諸人第二十三。

舜為堯司徒。子孫氏焉。元和姓纂七之。又通志氏族略四子作支。

禹為堯司空。子孫氏焉。姓氏齊辯證七之。

堯以甲申歲生。甲辰即帝位。甲午徵舜。甲寅舜代行天子事。辛巳崩。年百十八。在位九十八年。史記五帝紀集解。

帝舜即有虞氏。此句依初學記九藝文十一。姚姓也。其先出自顓頊。顓頊生窮蟬。窮蟬有子曰敬康。敬康生勾芒。依初學記。

疊敬康二字。下警瞍同。勾芒有子曰橋牛。橋牛生瞽瞍。瞽瞍妻曰握登。陶唐之世。握登此六字依藝文十補。見大虹。意感而生。

舜於姚墟。故姓姚氏。此字依初學記補。日重瞳子。故名重華。二句依史記五帝紀正義補。字都君。龍顏大口。黑色。身長六尺一

寸。書鈔一引舜身長六尺。有聖德。始遷於負夏。販於頓邱。責於傅虛。家本冀州。每徙則百姓歸之。其母早死。瞽瞍更

娶。生象。象傲而父頑。母歸。咸欲殺舜。舜能和諧。大杖則避。小杖則受。史記五帝紀索隱說。英虞事。引皇甫諡云。兩繳。繳笠類。因不成句。故不補。

入。年二十。始以孝聞。堯求賢。而四嶽薦舜。堯乃命于頓澤之陽。二句依文選曲水詩序注補。以二女娥皇。女英。妻之。耕

于歷山之陽。耕者讓畔。漁于雷澤。漁者讓淵。陶于河濱。陶者器不窳。此上並依初學記補正。堯於是見舜于貳宮。御覽

百七十三引堯有設饗禮迭爲賓主南面而問政然後賜以絺衣翠瑟爲築宮室爲字依寰宇記四十六封之於虞

貳宮疑卽此文故尙書云釐降二女於媯汭嬪於虞卽此也自然後賜以絺衣至此並依御覽八百十九及寰宇記補堯乃命舜爲司徒太尉此句依

試以五典遂舉八凱使佐后土以揆百事舉八元使布五教于四方四惡除而天下咸服此句依初學記

是有大功二十故夢眉長與髮等遂納于大麓烈風雷雨弗迷二句依初學記補堯乃賜舜以昭華之玉老而命

舜代己攝政明年正月上日舜始受終于文祖以太尉行事舜攝政二十八年而堯崩三年喪畢舜年八

十一此上並依初學記補正以仲冬甲子月次于畢始卽眞改正朔此三字依文選策秀才文注補以土承火色尙黃尙書中候所

謂建黃授正改朔此句依文選注補以正月元日格于文祖二句依初學記補乃詢四岳闢四門明四目達四聰東巡狩

登泰山觀河渚書鈔十六作河渚受圖書褒賜羣臣尊任伯禹稷契皋繇伯益地有苗氏負固不服禹請征之舜

曰我德不厚而行武非道也吾前教由未也山卽猶字乃修文教三年文字依初學記補執干戚而舞之有苗請服立

誹謗之木申命九官十二牧及艾戕朱虎熊羆等二十五人三載一考績依經文當作三考黜陟幽明禹爲

司空功被天下堯爲后稷播時百穀契爲司徒敬敷五教皋繇爲士典刑惟明倂爲共工莫不致力益爲

朕虞庶物繁植伯夷爲秩宗三禮不闕夔爲樂正神人以和龍爲納言出內惟允於是俊乂在官羣后德

讓百僚師師以五采章施於五色爲服爲字依藝文以六律五聲八音協治治用之和蒸民乃粒萬邦作乂庶

績咸熙乃作大韶之樂簫韶九成鳳凰來儀擊石拊石百獸率舞故孔子稱韶盡美矣又盡善也景星耀